

BASES PARA A CONVOCATORIA DE 12 PRAZAS DE BAILARÍNS/INAS PARA A PRODUCCIÓN DE 2011 DO CENTRO COREOGRÁFICO GALEGO

O Centro Coreográfico Galego é un centro de creación, produción, formación e investigación para o desenvolvemento da danza en Galicia.

O Centro Coreográfico Galego está adscrito á Agadic (Axencia Galega das Industrias Culturais) e ten a súa sede na Coruña.

Primeira.- Normas xerais

1.1. Número e características das prazas

Convócase proceso de selección para a contratación, baixo a modalidade de contrato especial para artistas ao abeiro do R.D. 1435/85, de 1 de agosto, de 6 prazas de bailaríns e 6 de bailarinas, para a produción do Centro Coreográfico Galego no ano 2011.

Cada praza está dotada cunha retribución bruta de 1.450 € mensuais para os bailaríns/inas.

A contratación farase con cargo á aplicación orzamentaria 11.A1.432B.640 da Agadic.

A duración do contrato será desde o día seguinte da firma do contrato ao 30/06/2011.

1.2 Procedemento de selección

Audición pública.

Segunda.- Requisitos dos aspirantes

2.1. Xerais

Para seren admitidos os aspirantes deberán reunir no último día do prazo de presentación de instancias os seguintes requisitos:

2.1.1 Nacionalidade: ser español ou nacional dalgún dos Estados membros da Unión Europea, ou nacional dalgún Estado ao cal, en virtude dos tratados internacionais celebrados pola Unión Europea e ratificados por España, lle sexa de aplicación a libre circulación de traballadores.

Tamén poderán participar, calquera que sexa a súa nacionalidade, o cónxuxe dos españois, dos nacionais dalgún dos demais estados membros da Unión Europea, cando así prevexa o correspondente tratado, e dos nacionais dalgún Estado, ao cal en virtude dos tratados internacionais celebrados pola Unión Europea e ratificados por España lle sexa de aplicación a libre circulación de traballadores, sempre que non estean separados de dereito, así como os seus descendentes e os do seu cónxuxe, menores de vinte e un anos ou maiores de dita idade que vivan ás súas expensas.

Así mesmo, poderán participar os que, non estando incluídos nos parágrafos anteriores, se atopen en España en situación de legalidade, sendo titulares dun documento que os habilite a residir e poder acceder sen limitacións ao mercado laboral. En consecuencia, poderán participar os que se atopen en situación de residencia temporal ou residencia permanente, así como os refuxiados.

2.1.2 Idade: ter cumpridos os dezaseis anos e non ter acadado a idade de xubilación.

2.1.3 Titulación: polas características das prazas, non terá que acreditarse titulación.

2.1.4 Capacidade: non padecer enfermidade nin estar afectado por limitación física ou psíquica que sexa incompatible co desempeño das correspondentes funcións.

Todos os requisitos enumerados nas anteriores bases deberán posuírse antes do remate do prazo de presentación de solicitudes e manterse ata o momento de toma de posesión da praza resultante deste proceso selectivo.

Terceira.- Solicitudes

3.1 Forma

Quen desexe tomar parte na convocatoria deberá formula-la súa solicitude no modelo de instancia que figura como anexo I, xunto coa seguinte documentación:

a) Copia do D.N.I., N.I.E ou pasaporte.

Os aspirantes estranxeiros que residan en España deberán presentar, ademais, unha fotocopia cotexada da tarxeta de residente comunitario ou de familiar de residente comunitario en vigor ou, se é o caso, da tarxeta temporal de residente comunitario ou de traballador comunitario fronteirizo en vigor.

Os aspirantes que sexan nacionais da Unión Europea ou dalgún Estado ao cal, en virtude dos tratados internacionais celebrados pola Unión Europea e ratificados por España lle sexa de aplicación a libre circulación de traballadores, que non residan en España, ben por residiren no estranxeiro ou por atopárense en España en réxime de estadía, deberán presentar unha fotocopia cotexada do documento de identidade ou pasaporte.

Os familiares dos anteriores deberán presentar unha fotocopia cotexada do visado e, se é o caso, do xustificante de ter solicitado a correspondente tarxeta. De non ter solicitados estes documentos, deberán presentar os documentos expedidos polas autoridades competentes que acrediten o vínculo do parentesco e unha declaración responsable de non estar separado de dereito do seu cónxuxe, se é o caso, do feito de que o aspirante vive ás súas expensas.

b) Curriculum vitae no que consten, debidamente xustificadas, títulos de capacitación profesional, postos de traballo desempeñados, anos de servizo en cada posto, outros estudos e cursos realizados, así como aqueles méritos e circunstancias con relevancia para o posto de traballo que o solicitante considere oportuno incluír, referidos á data de finalización de presentación de solicitudes.

c) Unha fotografía de corpo enteiro.

d) Con carácter opcional, poderán enviarse un CD, DVD ou enlace do/a solicitante cunha duración máxima de minuto e medio.

3.2 Destinatario, lugar de presentación e prazo

As solicitudes poderán enviarse á dirección de correo electrónico documentacion.ccg@xunta.es, ou ben presentarse no rexistro xeral da Agadic situado na Rúa Vesada, San Lázaro s/n, 15703 en Santiago de Compostela, (tfno: 981.57.71.26), ben persoalmente, ben por calquera dos medios establecidos no artigo 38 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común. A aquelas persoas que opten por utilizar medios telemáticos, confirmaráselles mediante correo electrónico a recepción da solicitude.

O prazo de presentación será de **DEZ DÍAS HÁBILES** contados a partir do día seguinte ao da súa publicación.

Cuarta.- Probas

As audicións celebraranse na Coruña, na sede do Centro Coreográfico Galego (Rúa Glasgow 11. Complexo Deportivo de Elviña. C.P:15008), os días 17 e 18 de xaneiro de 2011, entre as 10:00 e as 14:00 horas; e entre as 15:30 e as 20:00 horas. Os posibles cambios de datas e horarios publicaranse na páxina web www.agadic.info. e por correo electrónico aos interesados.

As probas constarán das seguintes fases:

1. Clase de danza clásica académica, cunha hora e media de duración. Esta fase será eliminatoria.

2. Desenvolver unha variación clásica ou contemporánea, así como unha improvisación, nun tempo máximo de 5 minutos.

3. Entrevista persoal.

Quinta.- Lugar de publicación

A presente convocatoria publicarase nos taboleiros de anuncios do Centro Coreográfico Galego e da AGADIC, e na páxina web .agadic.info. Ademais informarase dela mediante mailing ás principais asociacións e empresas do sector da danza.

No prazo de dez días, desde o remate do prazo de solicitude, publicarase a lista definitiva de admitidos.

Todas as listaxes que xere esta selección serán publicadas no taboleiro de anuncios da AGADIC e na páxina web .agadic.info

Sexta.- Tribunal

O tribunal encargado da selección dos candidatos estará constituído polos seguintes membros:

Presidente.- o coreógrafo responsable da nova produción.

Secretario.- un membro do cadro de persoal administrativo da Agadic, que actuará con voz pero sen voto.

Vogais.- A directora do CCG e as profesoras de danza do CCG.

O tribunal quedará validamente constituído coa asistencia de como mínimo a metade máis un dos seus membros e a asistencia do secretario.

Sétima.- Sinatura do contrato

Os candidatos seleccionados disporán de 5 días naturais para presentar na Agadic a seguinte documentación:

- Copia do DNI / NIE.
- Copia da tarxeta de afiliación á Seguridade Social.
- Certificado de conta bancaria.

Oitava.- Cláusula derradeira.

Contra esta convocatoria, que non pon fin a vía administrativa, pódese interpoñer, recurso de alzada perante a Presidencia da AGADIC no prazo dun mes contado desde o día seguinte ao da súa publicación.

Os actos que deriven desta convocatoria poderán ser impugnados nos casos e forma establecidos pola Lei de Réxime Xurídico das Administracións Públicas e do Procedemento Administrativo Común.

En Santiago de Compostela, a 15 de decembro de 2010.

O director da Agadic,

Asdo.- Juan Carlos Fernández Fasero.

ANEXO I. MODELO DE INSTANCIA

SOLICITUDE DE ADMISIÓN PARA A SELECCIÓN DE 12 BAILARÍNS/INAS PARA O ESPECTÁCULO DO CENTRO COREOGRÁFICO GALEGO DO ANO 2011 – CONTRATO ESPECIAL DE ARTISTAS

Datos persoais

D.N.I./Pasaporte _____

Apelidos _____

Nome _____

Enderezo _____

Localidade _____ Provincia _____

Teléfono _____ Correo electrónico _____

Data de nacemento _____

Nacionalidade _____

Documentación que presenta

- ☐ Fotocopia do D.N.I., N.I.E ou pasaporte
- ☐ Fotografía
- ☐ Documentación acreditativa dos méritos alegados no C.V.
- ☐ CD / DVD,

A persoa que asina abaixo solicita ser admitida no proceso selectivo a que se refire esta instancia e
DECLARA que son certos os datos consignados nela.

En _____, ____ de _____ de 2010

**Sr. Director da Axencia Galega das Industrias Culturais
RÚA VESADA. SAN LÁZARO, S/N.
15703 SANTIAGO DE COMPOSTELA**